

# Keestwawm takwashtawin toon Ontario COVID-19 Cheestahoukawaywin Li papyee kaw-ishi Mashinahikawtayk toon Noo

Ooma mashinahikan si aykwawnima poor Ontarianli moond aka kaw-keestwawm takwashtachik see la sawntee la kart their avek kaw-ishi mashinahikawtayk see noo mawka nouhtay ashtawak okayshchinahoowina ouschi cheestahoukawaywin li papyee kaw-ishi mashinahikawtayk soo noo.

## Saenk wayschipayinwa yahkouhtaywina

1. Taypwayhkun daw toon li Piblic la Sawntee En seksyoon pi kwaychihkaymouhk chi-oushtahk napwaenmawn chi-keestwawm takwashtahk toon nom daw toon cheestahoukawaywin li papyee. Si voo play keemakeewkay [Public Health Unit Locator \(gov.on.ca\)](https://www.ontario.ca/page/public-health-unit-locator) chi-mishkamaen en list d'Li Piblic la Sawntee Lee seksyoon didawn Ontario pi see kawshchitinkaywin weehstamakaywin.
2. Paywta toon ahkichikashoowin li kart keema li letr kaw-kayshchinahoowayhk toon nishtawinawkoushiwin avek kiya ishi toon napwaenmawn. Ooma li dokuman keema takwashtaywina lee dokuman ouschi la list awn baw combination piko chi-ashtayk: en nom, tipishkumoowin pi ahkichikashoowin en portray.
3. Ooma Li Piblic la Sawntee En seksyoon chi-keestwawm takwashtawak toon nom didawn COVID-19 cheestahoukawaywin li papyee ouschikishkayistaywin (COVaxON).
4. Itouhtay itay <http://www.ontario.ca/page/covid-19-vaccines>chi-ouyashkinastamin toon keestwawm kaw-takwashtachik li papyee.

## Kaykwuy chiipatawyin

Pikou chi-petawyin kanakay payyek itouwahk li dokuman avek kaw-nawashounikawtayk kaw-ishi mashinahikawtayk toon noo. Tipishkumoowin paray kahkiyuw pikou daw toon ahkichikashoowin, mawka nom pi aen sort-nishtawaymikawaywin chikee jeufarawn. Pooyounawniwun ahkichikashoowina outinikawtaywa poor itapatishiwin ouschi kaw-kayshchinahoowayhk nishtawinawkoushiwin.

## Ihtakowa awtist itouwahk li dokuman kiko kaw-kee-awpachistawn kaykinikawtaywa:

- En lisawns chipamiyen
- Tipishkumoowin li papyee
- Ontario Li portray En kart
- Li papyee pour lout bor
- Li Promyee Nawsoon aen ishi Oohtachihook En kart/Aen Michif En zhawn den plaes En kart keema aen Niskimoo Tunngavik Inc. – Awnroolee En Kart
- Morsou'd kapeestikwaypayhou la mail
- Tipahamakawaywin aen rseu
- Aen zhann d'iko en kart
- En bachiss poor li livr en kart
- En bawnd keema katakoonwin ahkichikashoowin lee kart
- Li Gouvarnimaw kaw-maykiw ahkichikashoowin kootak tipayhchikaywin ouschi avek daen nout piyee li papyee pour lout bor, kootak la provayns keema li tayritori la sawntee lee kart, keema en lisawns chipamiyen
- La letr kaw-kayshchinahoowayhk toon nishtawinawkoushiwin ouschi toon li piblic la sawntee en seksyoon, pi/keema daw alawntour keema Indigene katakoonwin, l'ikol, keema li doktor

## Apray ka-keestwawm kaw-takwashtachik toon cheestahoukawaywin li papyee avek kaw-ishi mashinahikawtayk toon noo

Keeshpin kiya ou wayaezh dahor Kenadaw makwak namoo keestwawm kaw-takwashtachik toon li papyee pour lout bor avek kaw-ishi mashinahikawtayk too noo, pikou kiya ou wayaezh awntser toon kayawsh ahkichikashoowin.

Keeshpin tapway, taypwayhkun itay La Provayns Cheestahoukawaywin Kawshchitinkaywin En Plass (PVCC) pi kakwaychimik chi-mayshkwatashtawyin keestwawm toon cheestahoukawaywin li papyee ishi toon ashpinay toon nom / nom daw toon Ontario la sawntee la kart. Kaw-kee akoushpee ouyashkinastamin ooma cheestahoukawaywin li papyee ishi toon ashpinay toon nom / nom daw toon Ontario la sawntee la kart. Ishpee kaw-takouhtayin Kenadaw, taypwayhkun itay PVCC keestwawm chi- mayshkwatashtawyin toon cheestahoukawaywin li papyee keeswawm kaw-ishi mashinahikawtayk too noo.

Ishpee kaw-peekishkwawtichik cheestahoukawaywin li doktor nakahtoohkaywak, la sawntee plaes, li piblic la sawntee en seksyoon, keema ooma PVCC, weestamouwik kee-ayawn keestwawm kaw-takwashtachik toon kayshchinahoowin ouschi cheestahoukawaywin li proovee kaw-ishi mashinahikawtayk too noo.

## Ki-nitawayistaen weechihwayiwin keema ki-ayawn leekesyoon?

Taypwayhkun ooma La Provayns Cheestahoukawaywin Kawshchitinkaywin En Plass itay 1-833-943-3900 (TTY poor li moond noo kaw-paystum, mawchi kaypishayw keema no nistawwaytakooshow: 1-866-797-0007), ihtakwun ayiwawk traw sawn lee lawngaezh, Laenje isko Vaendarjee (namoo li vakaans) 8:30 a mataen ouschi ishko 5:00 aswayr L'Est Litawn.